

Cungj Feihdauh De, Geugeu Unqnem Mizcingz

那味道，缕缕温情



“Bingjia’ gviq, gai bingjia’ gviq lo!”

Youq geiqciet va’ gviq homfwdfwd, dahniq daenj vunjhau fwngz venj aen swx, ndwn youq henz gai ci lai vunz hoengh haenx, sing hung hemq dwk. Ndaw swx mbumjgyumq cienz daeuj geu hom feihva’ gviq ndeu, lumjbaenz lij gap miz di feihvan, iemq haeuj sim vunz bae, dawz gou daiq ma daengz seiz lwnyez……

“Daiq, daiq, va’ gviq laengranz hai va lo, hom lai bw!” Gou beng gokbuh yahdaiq, rag de daengz laengranz, vix va’ gviq henjrwg hai rim gwnz go va’ gviq haenx, angq dwk diuqliklik naeuz: “Daiq, gou siengi

gwn bingjia’ gviq!”

“Ndei! Daiq guh hawj mwngz gwn!” Yahdaiq riu dwk han gou, lienz nyaeuq gokda de hix daiq miz unqswnh.

Yahdaiq riu aen swx bae ngauq va’ gviq. Va’ gviq gig iq, lumj baenz aen baenz aen ndaundeiq iq, sieng rimz gwnz nye faex. Rumz ci gvaq, mbawfaex yiengjsasa, hawj hoengheiq gaenq miz damhdamh vahom haenx nyumx ndaej engq haenq lo, vahom coemj coh vunz, heiqhom mbin seiqlengq.

Yahdaiq aeu ndaej va’ gviq le, ma daengz ranzdajcawj, mbouj geij nanz, de lumj boux canghfpswd nei bienq ok baenz aen baenz aen bingjia’ gviq. “Guh ndei lo, lwg ngahgwn youq gizlawz ya?” Sing Yahdaiq ndeidingq raixcaix, gou lumj duz manaez dungxiek yawjraen lwdouq nei, sam yamq guh song yamq coemj bae aeu bingjia’ gviq ndaw fwngz yahdaiq.

Feihva’ gviq homfwdfwd coemj haeuj ndaeng daeuj, gou caj mbouj gib dawz bingj cuengq haeuj bak bae, menhmenh nyaij, bingjia’ gviq haeuj bak couh vaq, raeuzrwd unqnem, vandiempz habbak, van cix mbouj lawh. Danghnaeuz caiq boiq hwnj boi raemxmakoiz yahdaiq cawj haenx couh engq ndei gwn lo.

“Daiq, mwngz hix gwn.” Yahdaiq riu naeuz: “Daiq mbouj gwn, mwngz gwn lai di.” Gou angqvauvau laebdaeb ngaem gyaeuj gwn, bingjia’ gviq, buenx dwk vandiempz, dawz gij gyaez yahdaiq vaqbaenz geugeu cingz raeujrub, iemq haeuj ndawsim gou.

Doeklaeng, yahdaiq gvaqseiq lo. Va’ gviq youh hai lo, hoeng gou caiq hix mbouj ndaej gwn bingjia’ gviq yahdaiq guh haenx lo, caiq hix daejniemh mbouj daengz gij cingz raeujrub ndaw bingjia’ gviq lo, hoeng cungj feihdauh vansubsub, gij cingz raeujrub de, gou ciuh vunz cungj mbouj lumz.

“Bingjia’ gviq, gai bingjia’ gviq lo!” Sing hemq dawz gou rag dauq yienhsaed. Din gou mbouj youz ndaej gou byaij coh dahniq gai bingjia’ gviq haenx bae, “Hawj gou aen bingjia’ gviq he ba!”

Ndawsim miz cungj maqmuengh he dawz bingj cuengq haeuj bak bae, dwg gij hom ndaejgeiq haenx, cix mbouj caiq dwg feihdauh ndaejgeiq haenx…… Youh dwg geiqciet hom feihva’ gviq, gou caiq hix mbouj ndaej gwn bingjia’ gviq yahdaiq guh haenx lo.

(Gvangjdungh Gvangjcouh Cidwz Cunghyoz gouj nienzgaep Linz Gojyinh)

Bin Bya 爬山



Ngoenzneix mbwn gvengqcangcang, rumz liengz cififi, ndit raeujrub cik aen daihdeih, gou caeuq daxmeh angqvauvau bae bin bya. Ngamq hainduj, gou rengzrwd, sam yamq guh song yamq, it loh buet dwk, gig vaiq couh buet daengz baihnaj, gou ciengq dwk go, lij seiz mbouj seiz nyex gyaeuj gvaqdaeuq, sing hung coi daxmeh doeklaeng gou haenx vaiq di byaij.

Gou gig vaiq couh daeujdaengz byongh bya, seizde gou naiqnuknuk, hanh lae hanh roenx, baeg dwk gou saeg naengh youq gwnz mbaek laerin, buh dumz hanh haenx nem youq raeblaeng gou gig hoj youq. Mwh gou cingq siengi doiqdaeuq, aen ngauez iqet he daj henz ndang gou byaij gvaq, haenx dwg boux lwnyez daihgaig seiq bi he, de naj ndingfwdfwd, haeb heuj byaij coh dingj bya. Yaep de gik hwnj gij ceng sawhingz gou, gou ndwn hwnjdaeuq, swnh ndat dub diet, hix buet coh dingj bya.

Daengz dingj bya le, raq rumz liengz he ci daeuj, liengzsis, cwxcaih lai lo! Gou ngaem gyaeuj yawj daihdeih, yawjraen laeuzsang daj lajdeih soengz hwnj, yawjraen diuz dah lumj duz lungz raez nei gvaengxgvax youq gyang singz, geijlai ndeiayaw ha!

Baez bin bya neix hawj gou roxyiuj, cijaeu itcig cungj guh, mbouj lau dwgrengz, couh miz soundaej!

(seiq nienzgaep Cinz Cozdenh)

Yaepde, Gou Majhung Lo

那一刻，我长大了

Ngoenz banhaet mbwn’ gvengq rumz—liengz ndeu, daxboh daxmeh cungj bae hwnjban lo, gou boux dog gag youq ranz, hwnqcong le gou swiqnaj cathenj sat, yawjraen gwnz daizgwnngaiz baij miz haeuxcaeux caeuq mbaw ceij daxmeh sij cih gwnzde ndeu, gwnz ceij sij naeuz: Gou caeuq boh mwngz miz saeh okbae, mwngz yaek nyinhcaen sij cozyez, gaej loengh dennauj bw.

Gwn sat haeuxcaeux, gou couh hainduj sij cozyez, sij daengz dingz ndeu, dienhvah yiengi lo, dwg baengzyoux ndei gou dwk daeuj, gou ngamq ciep dienhvah couh dingqny sing angqyangz de: “Gou cingq dwk youzhi, couh ceng mwngz lo,

mwngz hix hwnjsienq ba!” Gou siengi hix mbouj siengi couh naeuz: “Ndei ha, gou sikhaek hai dennauj.” Cuengq roengz dienhvah, gou cung daengz naj dennauj, ngamq siengi hai dienh, seizde, fwt siengjhwnj vahdaengq daxmeh, caiqlx cozyez hix caengz sij sat. Gou yaemhywx lo, ndawsim miz song aen sing doxgangj. Ndawde miz aen sing ndeu ganvad naeuz: “Loengh yaep ndeu ba, fanjcingq daxboh daxmeh youh mbouj youq ranz, mwngz mbouj gangj gyoengqde couh mbouj roxyiuj.” Hoeng lingh aen sing buek naeuz: “Cozyez caengz guh sat couh mbouj ndaej loengh dennauj, yaek guh boux lwnyez ndei lauxsaed ndeu.” Baenzlawz guh ne? Gou gig aengjgyaengj, mbiengi he dwg dapwngq gij iugouz daxmeh, mbiengi he dwg dapwngq baengzyoux loengh dennauj. Doeklaeng gou guh aen gietdingh he, guh sat gij wngqcingz daxmeh. Gou dwk dienhvah hawj baengzyoux ndei gou, naeuz gou lijimiz cozyez caengz sij sat, mbouj dwk youzhi lo.” “Gou miz di boiqfug mwngz lo. Cozyez gou hix caengz sij sat, gou hix bae sij cozyez gonq ba.” Baihhaenx cienz daeuj sing baengzyoux gou.

Sij sat cozyez mbatde, gou roxnyinh daengz gou lumj vaiz duet ek nei, yaepde gou roxnyinh shwgeij majhung lo, gou hag rox gag hanhhaed bonjfaenh lo.

(sam nienzgaep Hij Meij Giz)

